

۱ شعبان ۱۳۳۲

پنجشنبه

۱۹ حیران ۱۳۳۰

تلفون ۱۰۹۷

امور اداره و تحریریه و اعلانات و سائرہ
ایچون مدیر مسئولہ مراجعت ایدملیدر .
عرفای امتک مقالات متصوفانہ ربینہ
جریدہ صوفیہ نک صحیفہ لری آچقندر .
درج ایدلیان اوراق اعادہ ایدلز .

جریدہ صوفیہ

شیمدیلک هفته ده بر نشر اولنور .

نسخہ سی ۴۰ پاره در .

ابونہ سی : برسنه لك اعتباریله ممالك عثمانیه
ایچون پشین اوله رق ۴۰ آلتی آیلنی ۲۵
غروش و ممالك اجنبیه ایچون اوزا یکی فرانتدر

محل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، ادبی ، سیاسی جریدہ اسلامیہ در .

سنه — ۲

عدد — ۹۷

-۶-

اهل تصوف میانده بولنه جقدی ، زیرا اک بیوک قبلر متصوفین
قلوبی اولق مساکری ایجاباتندن ایدی . اهل تصوفک تربیه دن
مقصدلری عقلی آزاد و قافی پاک ایدرک اک بیوک شیلری مراقبه
ایدرکن هیچ برجهته غفلت ایتمیوب سبیلرینه دلالتلرینه انتباه بوللرینی
کوسترمدکی . تربیه انسانلرک قوه فهمیه و ادراکیه لرینه فعالیت
ویروب قابلیب واستعداد فطریه لرینه جلا و یرمکدن عبارتدر .

اسلامیتده تصوفک اساسی شودر . فلاسفه اسلامیه نیک اک بیوک
رکنلری اهل تصوفدر .

برده بوصول زمانلرده میدانیه جیقمش بعض محررلر مزخرفات
محررلرینه اتباعاً جاهلانیه عامیانیه بر معلومات فروشلق کوستردرک
(تصوف اسکی شیدر اسلامیتدن مقدم دخی واردی) کچی
تفوهاتده بونورلر ایسه ده ، اساساً اسلامیتده اولدینی کچی تصوف
هیچ برمانده و هیچ برامته اولامشدر . مع التأسف عصر حاضر مزده
هر حال کچی تصوف مزده سکته دار اولدی ، تصوفده اولان علوی
تعالیمک اساسی ضاعه ایتدک ، او بیوک نعمتک قیمتی تقدیر ایدمدک .
«الذین آمنوا و اطعموا قلوبهم بذكر الله . الا بذكر الله تطمئن
القلوب» تعالیمک صوفیه نیک اساسی بوکچی نصوص قرآنییه مستند
اولق ایجاب ایدرکن ، افسوس صد هزار افسوس ، عصر مزده
تصوف اصحاب عطالته مساک اولدی . بزم دارالفنونز
تکیه لر مز ایدی ، برچوق مشکلاتمز اوراده حل اولنوردی : طلبه مزه
مدرسه ، درویشلر مزه ، تکیه ، خسته لر مزه شفاخانه مسافرلر مزه
مهمان خانه اولوردی ، اک مقدس مقاملر مز تکیه لر مز ایدی . وقت
وزمانیه بزم تکیه لر مزک اهمیت سیاسی سیده غایت بیوکدی ، وحالا
بیوک اوله بیلوردی ، فقط نه اهل تصوف کندی مقاملرینک قیمتی
تقدیر ایدمیلدی ونه ده حکومت اسلامیه رجالی بونی تقدیس
ایدمیلور . بنجه جریده صوفیه منتسبیدنی بوجهتلری نظر اعتباره
آلهرق اساسه رجوع جاره لرینی آرمالی ، ممکن اولدینی قدر ماضع
لهنه ارجاع جهته سعی واقدم اتمه ایدر . یوقسه تصوف هر نوع
اهمیتی ضایع ایتک اوزره در . صوکرده دن ندامت فائده یرمز .
عبدالرشید ابراهیم

فَلْسَفَةٌ

۵۴

لاهور و ناسوت

وجودیتیمدی ویتیمیه جکدر . فقط بوکون ولایتدن بحث ایدم جکم ،
برحیطک فیوضات سبحانییه قبوله استعدادی اولدینی کچی ظلمت و
وغفلته غرق اولدینی تحق ایدرسه فیاض حقیق شخص واحده

ان بین یدی الساعة سنین خداعة يتهم فيها الامين ويؤمن
فيها الخائن ويصدق فيها الكاذب ويكذب فيها الصادق ويتكلم
فيها الرويبضة قبل يارسول الله وما الرويبضة قال السفيه ينطق
في امر العامة

« رواه الطبرانی والحاكم وابن عساكر عن
عوف بن مالك الاشجعي رضى الله عنه »

مال عالىسى :

« ايدى ازمان آراسنده شه سز برطاقم آلداديجى ؛ عديم الفيض
سنه لر بولنور . اوفيسز زمانلرده امين عدم اميتله اتهام اولنور ،
اهل جرأت و خيانت ايسه صاحب امنيت اولور . اهل كذب و ريا
تصديق ، ارباب صدق و اتقا تكذيب اولنور . (رويضة) ده اولو-
الكلام اولور .

اصحاب كرام طرفندن : يارسول الله (رويضة) نه در ؟ دنيلدى
امور مهمه عامه حقنده سوز سويليان سفهدر بيوردى .
صدق رسول الله اوکا قال :

محمد

تصوف

بوکله هر نه قدر غایت ساده برکله دن مشتق ايسده اساس اعتباريله
غایت بیوک و اسلامیه مخصوص بر مساک قويم وطريق مستقیم اولوب
نظریات عقایه و ملکات فکریه نتیجه سی اولهرق اک بیوک وفوق العاده
مهم کشفیات ايله غایه لنور بر رتبه روحانیه عال العالدر . حواس
واسطه سیله ادراکی میسر اولیان دقیق معنار بعضاً اصحاب تصوفه
تجلیات طریقیه الهام اولنور . علوم طبیعی و ریاضیه ده مهم کشفیات
نصل عقل واسطه سیله موقعیت حاصل اولورسه ، بعینه معنویاتده دخی
تفکر ملکه سیله بر چوق لدنیاته مظهر اولنور . تصوفده اک معتبر
قوت صفوت قلندر ، قلب هر نوع عوارضدن پاک اولوب صاحب
مکارم اخلاق ایلده متصف اولور . و علم نوریله ده جلالتورده
عقلک نفوذی ايله تقویه ده اولنورسه یر چوق پرده لر آرقاسنده مستور
اولان حقیقتلر تجلی ایدر .

استعید بالله « انما المؤمنون الذين اذا ذكر الله وجلت قلوبهم واذا
تليت عليهم آياته زادتهم ايمانا »
بو آیت کریمه نیک مضمون منبئی ايله حصر اولمش حق مؤمنلر

توجه ایدر. او ذات مهدی اولور. بو حقیقی ارباب حال، کشف
ایتمش، مخبر صادقده خبر ویرمشد. ارتکاب ظلمت ممنوعدر.
بودنات غایبی بولنجه نوری آنتاج ایدر. حق کمال کرمندن ظلمی
ماحیدر. ولی امور خلافتک کلیسه متولی و بحث لایقطع آنا فانا
جیع مخلوقاتنه خصوصاً صلحا و اتقیای امته انعام واحسانی مظهر
ومعطی در.

ولی لغتده بر آدمک دوسته و یار صدیقنه دنیایکی کبی محب و
ناصر معنارینه ده کلور. امام محمد غزالی رحمه الله معنای ثانی بی اختیار
بیورمشد.

عند الصوفیه ولی حضرت خالق ذوالجلاله و دوستارینه محبت و
اوامر الهیه نصرت واعداء الله قهر وعداوت، حقتک امرینه تولی
ایدر. حق و لیسنی ظاهراً و باطناً عصیانندن حفظ و بری قیلار. (ان
ولی الذین نزل الکتاب و هویتولی الصالحین) وقال تعالی (رجال صدقوا
ما عاهدوا الله علیه) حقاقلنده وارد اولمشد.

ولی، مجذوب سالک و سالک مجذوبه شاملدر. کاه طالب، کاه مطلوب
مولادر. مطلوب مولی اولورسه جذبه سی سلوکنی تقدم ایتمکله ولایتی
برشیته موقوف و کسبی اولیوب مجرد موهبه الهیه واحسان ازلیه در.
مقام طلبده اولورسه سلوکاری جذبه رحمانیه تقدم ایتمک حسیله
بالجاهده اخلاق الهیه ایله متصف و جذبه رحمانیه مصادف و
ولی اطلاق بوصورتله خلیج اولور. جذبه رحمانیه پرتو نور تجلیات
ذاتیهدن عبارتدر. مشکلات حقیقت محمدیهدن اقتباس انوار ایدن برمرشد
مرآت قلب مریده افاضه ایلدکده راه راست هویدا و هیچ شبهه سر
عبد؛ منجذب اولوب حقه تسلیم اولور. جذبه هستی؛ هستی موهومی
رفع ایدر. ادناس بشریه کدورات نفسانیهدن پاکومبرا اولور. صفت
قیومیت باش کوستر. خلاصه ولایت صفت حق ایله انصاف و سنن
سنیه حضرت محمدیه ایله ائتلافدر. (ولی دون الوحی من حیث الکشف
والالهام والباطن) ولایت خلقدده متصرفدر. نفس وجوددن فانی و
من حیث الحقیقه والذات وجود حق ایله باقیدر. فاندن مقصد فنا فی الایان
بلکه فنا فی العرفاندر.

(اولیائی تحت قبای لایعرفهم غیری) اولیاء الله عظام حضرتانک
حال ذیشانلری بیان عظیم الامکاندر. هر عصرده کشف و کرامت صاحبی
یوز یکریمی دوت بیک ذات موجود اولوب بونلرک هر بری بر پیغمبرک
سرینه وارنر. وراثت پیغمبریدن اول ظهورده کلن اسرار الهیه امت
مرحومه نکل و لیری آراسته هر آن موجوددر. بعضاری اختصاصات
الهیه ایله تفصل ایدر لر عرفان خصوصنده اونلرک بیتنده تفاوت درجات
واردر. هر زمانک بر قطبی اولوب غوث اسمیه توسیم اولنور. (قطب)
بر ذات علوشان؛ محبوب ولی الماندر.

جیع زمانده حقتک مظهر نظر اولوهیتی اولور بونلر جهانیانه
حیات مغنویه ایفاضه ایدر لر. قطیت کبری حضرت محمدده ظهور
ایتمشد. قطب زمان مظهر نام حضرت محمد اولان ذاتدر.

قطب اعظم حضرتلرینه غوث اطلاق اولنور دیش ایدک غوثک
غوثیتی شول زمان تحقیق ایدرکه (ملتجی اکا رجا ایلدکده رجاسی قرین
قبول اوله) ایکی مرد خاص الحاصندن بریسی غوث مشار الیهانک بیتنده
ونظری عالم ملکوته دیکری یسارنده نظری عالم ملکده در غوث اولان
ذاتی امام یسار استخلاف ایدر. زیرا اونک سیر وجودده دائر سی
اکلدر. بوجهته امام بیتندن افضلدر. (او تاداربمه) رجالتندن مراد
باکهاد ذاتلر. و هر بری جار گوشه عالمده قائمدر.

(ابدال) خواص امت مرحومه دن قرق نفر ذات ملائکساتدر.
بری آخرته انتقال ایدنجه دیکری اوندن بدل نصب اولنور. بوزات-
شریف وعظ و نصیحت ایله مؤمنلری اصلاح چاره لرینه توسل ایلر.
(نجبا) مقربین اولیادن سکر عدد مرد اصفیادر.

بونلر حقوق خلقدده متصرفلدر. (نقبا) رجال صوفیه دن اون
ایکی ذاتدر. اونلره مشرف الضائر دیرلر. بونلر باطن اسم شریفه
مظهر اولدقلری ایچون سرائر ناس اونلره منکشفدر.

(ضنائن الله) (رجیون) (امناء الله) ملائمه اسمیه مرسوم
صوفیه دن برر زمره علیه در. رجب شریفده بونلرک حرکت طاقتی
قلماز. خلق جهان بونلرک حاله اصلا واقف اولماز. بونلر تاج و
کسوه پوشان دکلدر.

تصرف مقام فعلیت ایله امامینه عائددر. بوندن صکره چهار یار
کترین ابدال اربعه اقالیم سبعة محافلری هر بر اقلیم خاصک قطبی
اولان بدلاء سبعة عشره مبشره کبی اولیاء عشره اوندن صکره بروج
انی عشر اکا متعلق اموره حاکم اون ایکی رجال اسما حسنی مظاهری
اولان ۹۹ دن اوج یوز التمشه بقیه مظاهر اولان اولیاء الله بونلرک
قیامته قدر عدلری زیاده و نقصان اولیوب هر زمان علی سبیل البذل
عالمده قائمدر.

زهاد و عباد و صالحای مؤمنین و موحدین اولانلر قطب اعظم و
خلیفه اکرمک حکمنده درلر. اولیاء الله قدس الله اسرارهم حضراتی
معانی و اسرار الهیه بی بذاتهم حق سبحانه و تعالی جل شانهدن اخذ
ایندکلی ایچون قطبک حکمندن خارجلدر.

شیخ که بنظر بنور الله بود از نهایت و زینخت اکه بود
دردرون دلدر آیدچون خیال پیش او مکشوف باشد سر حال
اولیا اطفال حقند ای پسر در حضور و غیب اکه با خبر
باسبان آفتابند اولیا در بحر علم اسرار خدا
بندکان خاص علام الغیوب در جهان جان جوایس القلوب
اولیا راهست قدرت ازاله تیر بسته باز آوندش رزاه
اولیا مرآت نور مطلقند اولیا آینه خاص حقند
صیقلی کن یک دوروزی سینه را دفتر خود ساز آن آینه را

مولانا
متوخیان

عشق